

卷之三

臨川先生文集卷第十四

律詩

五言八句

欣會亭

東臯

歲晚

半山春晚卽事

欵眠

露坐

山行

題寶公塔院祠堂

定林

送張甥赴青州幕

送張宣義之官越幕二首

送贊善張軒民西歸

送鄧監簿南歸

秋夜二首

卽事

晝寢

過故居

鴈

與道原過西莊遂遊寶乘二首

送陶氏婦兼寄純甫

自府中歸寄西庵行詳

贈上元宰梁之儀承議

贈殊勝院簡道人

懷吳顯道

淨照堂

重遊草堂次韻三首

題齊安寺山亭

自白門歸望定林有寄

宿定林示無外名務周

宿北山示行詳上人

獨飯

草堂

示耿天隲

光宅

示無外

北山暮歸示道人

懷古二首

與寶覺宿精舍

中書偶成

華藏寺會故人

得泉字

求全

秋風

次韻昌叔歲莫

次韻酬昌叔羈旅之作

欣會亭

數家鄰水竹一塢共雲林晚食靜適

獨謠欣會心

移牀隨漫興操筴取幽尋未愛神錐汝猶憐妙斲琴

東臯

起伏晴雲徑縱橫暖水陂草長流翠碧花遠沒黃鸝
楚製從人笑吳吟得自怡東臯興不淺遊走及芳時

歲晚

月映林塘澹風含笑語涼俯窺憐綠淨小立佇幽香
携幼尋新的扶衰坐野航延緣久未已歲晚惜流光

半山春晚卽事

春風取花去酬我以清陰翳翳陂路靜交交園屋深
牀敷每小息杖屨或幽尋惟有北山鳥經過遺好音

歌眠

翠幙卷東岡歌眠月半牀松聲悲永夜荷氣馥初涼

清話非無寄幽期故不忘扁舟亦在眼終自懶衣裳
露坐

露坐看溝月飄然風度荷珠跳散作點金湧合成波
老失芳歲易靜知良夜多陵秋久不寐吾樂豈弦歌

山行

出寫清淺景歸穿蒼翠陰平頭均楚製長耳嗣吳吟
暮嶺已佳色寒泉仍好音誰同此真意倦鳥亦幽尋

題雩祠堂

在寶公塔院

斯文實有寄天豈偶生才一日鳳鳥去千秋梁木摧
煙留衰草恨風造暮林衰豈謂登臨處飄然獨往來

定林

漱甘涼病齒坐曠息煩襟因脫水邊屨就敷巖上衾

但留雲對宿仍值月相尋真樂非無寄悲蟲亦好音

送張甥赴青州幕

人情每期費之子適予心老饒城東陌悲分歲暮襟
少留班露草遂往隔雲林未覺青丘遠因風嗣好音
送張宣義之官越幕二首

會稽遊宦鄉海物錯句章土潤箭萌美水甘茶串香
今君誠暫屈他日恐難忘唯有西興渡靈胥或怒張

二

誰謂貴公子乃如寒士家真宜舉敦樸已自勝浮華
洲荻藏迷子溪篁擁若耶相望只在眼音問莫言賒

送贊善張軒民西歸

柴荆雀有羅公子數經過邂逅相知晚從容所得多

百憂生暮齒一笑隔滄波早晚西州路遙聽下坂珂
送鄧監簿南歸

不見驪塘路茫然四十春長為異鄉客每憶故時人
水閣公三世雲浮我一身濠梁送歸處握手但悲辛

秋夜二首

客卧書顛倒蟲鳴坐寂寥殘燈生暗暈重露集寒條
真樂閑尤見深禪靜更超此懷無與晤擁鼻一長謠

二

幔逗長風細窻留半月斜浮煙暝綠草滋露冷黃花
獨曳綠雲策仍尋度水槎歸時參夜半鄰犬靜中譁

即事

徑暖草如積山晴花更繁縱橫一川水高下數家村

靜聽雞鳴午荒尋犬吠昏歸來向人說疑是武陵源

書寢

甲子四月十七日午時作

井逕從蕪漫青藜亦倦扶百年唯有且萬事總無如
弃置蕉中鹿驅除屋上烏獨眠牕日午往往夢華胥

過故居

泝棧開新屋扶輿遶故園事遺心獨寄路翳日空存
野果寒林寂蠻花午簞溫難忘舊時處欲宿愧桑門

鴈

北去還為客南來豈是歸倦投空渚泊飢帖冷雲飛
垣柵雞長暖溝池鷺自肥憐渠不知此更墮野人機

與道原過西莊遂遊寶乘

元豐四年十月二十四日

桑楊一作麻已零落藻荇亦一作復消沈園宅在人境歲

時傷我心強穿西南一作埭路共望北山岑欲覓一作

道人語跨鞍聊一尋

賦辭

親朋會合少時序感傷多勝踐聊為樂清談可當歌

微風淡水竹淨日暖煙蘿興極猶難盡當如薄暮何

送陶氏婦兼寄純甫

雲結川原暗風連草木萎遙瞻季行役正對女傷悲
夢事中千變生涯老百罹更慚無道力臨路涕交頤

自府中歸寄西庵行詳

意衰難自力扶路便思還強逐蕭騷水遙看慘淡山
行尋香草遍歸漾晚雲間西崦分明見幽人不可攀

贈上元宰梁之儀承議梁多留詩在江寧僧舍

白下有賢宰能歌如紫芝民欺自不忍縣治本無為

風月誰同賞江山我亦思粉牆侵醉墨怱悵綠苔滋

贈殊勝院簡道人

早悟者山蕭今為洛社豪有生常寂寞所得是風騷
露夕吟逾苦雲收思共高此懷差自適千社一牛毛

懷吳顯道

南郭紅亭冷西山白道曛江光凌翠氣洲色亂黃雲
歲暮誰邀客情親故憶君天涯獨惆悵歸鳥黑紛紛

靜照堂

任公蹲會稽海上得招提淨觀堂新構幽尋客屢攜
飛簷出風雨灑翰落虹蜺投老黃塵陌東看路恐迷

重遊草堂次韻三首

垣屋荒蕪藟野殿冷檀沈鶴有思願意鷹無戀遁心
禪房閉深竹齋鉢度遙岑寂寞黃塵裏金身倚一尋
僧殘尚食少佛古但泥多寒守三衣法飢傳一鉢歌
寬閑每迸竹危朽漫牽蘿悵悵庭前栢西來意若何
野寺真蘭若山僧老病多踈鍾挾谷響悲梵入樵歌
水映茅簷竹雲埋薦女蘿拂塵書所見因得擬陰何
此山無躑躅故國有楊梅悵望心常折慙懃手自栽
暮年逢火改晴日對花開萬里烏塘路春風自往來
自白門歸望定林有寄

題齊安寺山亭

寒驢愁石路余亦倦躋攀不見道人久忽然芳歲殘
朝隨雲暫出暮與鳥爭還杳杳青松壑知公在兩間

宿定林示無外

名務

天女穿林至姒娥度隴來欲歸今晚晚相值且徘徊
誰謂我忘老如聞蟲造哀鄰衾亦不寐共盡白雲杯
宿北山示行詳上人

都城羈旅日獨許上人賢誰爲孤峯下還來宴坐邊
是身猶夢幻何物可攀緣坐對青燈落松風咽夜泉
獨飯

窻明兩不借榻淨一蘊篠栩栩幽人夢天天老者居
安能問香積誰可告華胥獨飯牆陰轉看雲坐久如
草堂

草堂今寂寞往事翳山椒蕙帳空留鶴蘿衣終換貂
生皆墮天袞隱或寄公朝疊穎何勞怒東風汝自搖
示耿天隲

挾策能傷性捐書可盡年弦歌無舊習香火有新緣
白土長岡路朱湖小洞天望公時顧我於此暢幽悃
光宅

今知光宅寺牛首正當門臺殿金碧毀丘墟桑竹繁
蕭蕭新犢卧冉冉暮鷗翻回首千歲夢雨花何足言
示無外

支頤橫口語椎髻曲肱眠莫問誰賓主安知汝輩年
鄰雞生午寂幽草弄秋妍卻憶東窻篔簹藤故宛然
北山暮歸示道人

千山復萬山行路有無間花發蜂遞繞果垂猿對攀
獨尋寒水度欲趁夕陽還天黑月未上兒童初掩關
懷古二首

日密畏前境淵明欣故園那知飯不賜所喜菊猶存
亦有牀座好但無車馬喧誰爲吾侍者稚子候柴門
二

長者一牀室先生三徑園非無飯滿鉢亦有酒盈樽
不起華邊坐常開柳際門漫知談實相欲辯已忘言
與寶覺宿精舍

擾擾復翩翩秋牀燭屢昏眞爲說萬物豈止挾三言
問義曹溪室捐書闕里門若知同二妄日擊道逾存
中書偶成

忽忽余年往茫茫不自知
慙慙照清淺邂逅見衰遲
輔世無賢業容身有聖時
歸歟今可矣何以長人爲

華藏寺會故人

得泉

百憂成阻澗一笑得留連
城郭西風裏園林落照前
共知官似夢莫負酒如泉
與罷重攜手江湖卽渺然

求全

求全傷德義欲速累功名
玉要藏而待苗非揠故生
未妨徐出晝何苦急墮成
此道今亡矣嗟誰可與明

秋風

挈歛一何饕天機亦自勞
牆隈小翻動屋角盛呼號
漠漠驚沙密紛紛斷柳高
江湖豈在眼昨夜夢波濤

次韻昌叔歲暮

城雲滯日晚樹凍裏春深
慘密魚雖暖巢危鶴更陰
橫風高曠弩殘溜細鳴琴
歲換兒童喜還傷老大心

次韻酬昌叔羈旅之作

君方困旅食予亦誤朝簪
自索東方米誰多季子金
高門萬馬散窮巷一燈深
客主竟何事蕭條梁父吟

臨川先生文集卷第十四

臨川先生文集卷第十五

蘇州府志卷之二十一 藝文志 一 詩 蘇州府志卷之二十一 藝文志 一 詩

蘇州府志卷之二十一 藝文志 一 詩 蘇州府志卷之二十一 藝文志 一 詩

臨川先生文集卷第十五

律詩 五言八句

次韻唐公三首

烏塘

欲歸

發館陶

王村

長垣北

冬日

壬辰寒食

雨中

宿雨

乘日

秋露

還自河北應客

將次洛州憩漳上

和仲庶夜過新開湖憶冲之仲涂共泛

送契丹使還次韻荅淨因老

送吳叔開南征

遊棲霞庵約平甫至因寄

和棲霞寂照庵僧雲渺

宜春苑

春日

癸卯追感正月十五事

晚興和冲卿學士

秋興和冲卿

次韻冲卿除日春

題友人郊居水軒

遊賞心亭寄虔州女弟

江亭晚眺

金山寺

揖仙閣

舟夜即事

何處難忘酒二首

送孫子高

送董傳

寄深州晁同年

白雲然師

自白土村入北寺二首

題朱郎中白都莊

史教授獨善堂

寄福公道人

身閑

還家

題湯泉壁示諸子有欲閑之意

和唐公舍人訪淨因

沂溪懷正之

荅許秀才

次韻唐公三首

東陽道中

山蔽吳天密江蟠楚地深浮雲堆白玉落日寫黃金
渺渺隨行旅紛紛換歲陰強將詩詠物收拾濟時心

江行

材非當世用轂有故人推使節春冬換征帆日夜開
南遊取于越東望得州來試盡風波惡生涯亦可哀

旅思

此身南北老愁見問征途地大蟠三楚天低入五湖
看雲心共遠步月影同孤慷慨秋風起悲歌不爲鱸

烏塘

地僻居人少山稠伏獸多怒狸朝搏鴈嚙虎夜窺騾

籬落生孫竹門庭上女蘿未應悲寂寞六載一經過
欲歸

水漾青天暖沙吹白日陰塞垣春錯莫行路老侵尋
綠稍還幽草紅應動故林留連一盃酒滿眼欲歸心

發館陶

促轡數殘更似聞雞一鳴春風馬上夢沙路月中行
笳鼓遠多思衣裘寒始輕稍知田父穩燈火閉柴荆

王村

晝靄王村路春風北使旗塵催輕騎走寒咽短簫吹
攬轡聯貂帽投鞭各酒卮紛紛小兒女何事倚牆窺

長垣北

攬轡長垣北貂寒不自持霜風急鼓吹煙月暗旌旗

騎火流星點牆桑亞戟枝柴荆掩春夢誰見我行時

冬日

擾擾今非昔漫漫夜復晨風沙不貸客雲日欲迷人
散髮愁邊老開顏醉後春轉思江海上一洗白綸巾

壬辰寒食

客思似楊柳春風千萬條更傾寒食淚欲漲冶城潮
巾髮雪爭出鏡顏朱早雕未知軒冕樂但欲老漁樵

雨中

尚疑櫻欲吐已恠菊成漂紫萸凌風怯青苔挾雨驕
長閑故有味多難自無聊牢落柴荆晚生涯付一瓢

宿雨

綠攢寒蕪出紅爭暖樹歸魚吹塘水動鴈拂塞垣飛

宿雨驚沙盡晴雲晝漏稀却愁春夢短燈火著征衣

乘日

乘日塞垣入御風塘路歸胡皆躍馬去鴈却背人飛
煙水吾鄉似家書驛使稀忽忽照顏色恨不洗征衣

秋露

日月凋何急荒庭露送秋初疑宿雨泫稍怪曉霜稠
曠野將馳獵華堂已御裘空令半夜鶴抱此一端愁
還自河北應客

媿客問謠俗舊傳今自如材難知驥馬味美賽河魚
塞水移民久川防動衆初北人雖異論時議或非踈
將次洺州憩漳上

漠漠春風裏茸茸綠未齊平田鷄散啄深樹馬迎嘶

地入河流曲天隨日去低高城已在眼聊復解輕齋

和仲庶夜過新開湖憶冲之仲涂共泛

水遠浮秋色河空洗夜氛行隨一明月坐失兩孤雲
露髮此時濕風顏何處醺淹留各有趣不比漢三君

白樂天有二處
成孤雲之句

送契丹使還次韻荅淨因老

老欲求吾志時方據我華強將愁出塞空得病還家
日轉山河暖風含草木葩勝遊思一往不敢問三車
送吳叔開南征

摻袂不勝情犀舟擊汰行倦遊無萬里惜別有千名
春草淒淒綠江楓湛湛清金陵多麗景此去屬蘭成
遊棲霞庵約平甫至因寄

渺渺林間路蕭蕭物外僧高陰涼易入閑貌老難增
官事真傷錦君恩更飲冰求田此山下終欲忤陳登

和棲霞寂照庵僧雲渺

平甫

蕭然一世外所樂有誰同宴坐能忘老齋蔬不過中
無心爲佛事有客問家風笑謂西來意雖空亦不空

宜春苑

宜春舊臺沼日暮一登臨解帶行蒼蘚移鞍一作坐
綠陰樹踈啼鳥遠水靜落花深無復增修事君王惜
費金

春日

冉冉春行暮菲菲物競華鶯猶求舊友鷺不肯貧家
室有賢人酒門無長者車醉眠聊自適歸夢到天涯

癸卯追感正月十五事

正月端門夜金輿縹緲中傳觴三鼓罷縱觀萬人同
警蹕聲如在嬉遊事已空但令千載後追詠太平功

晚興和冲卿學士

剌剌風生晚娟娟月上初白沙眠綠驥清浪浴鱣魚
竟欲從君飲猶便讀我書斜陽不到處牆角樹扶踈

秋興和冲卿

雲浮朝慘淡風起夜颼颼欲作冰霜地先迴草樹秋
征人倚笛怨思婦向砧愁爲問隨陽鴈哀鳴豈有求

次韻冲卿除日立春

猶殘一日臈併見兩年春物以終爲始人從故得新
迎陽朝翦綵守歲夜傾銀恩賜隨嘉節無功祇自塵

題友人郊居水軒

田中三畝宅水上一軒開為有漁樵樂非無仕進媒
槎頭收晚釣荷葉卷新醅坐說魚腴美功名挽不來
遊賞心亭寄虔州女弟

秀發千峯霽清涵萬里秋滄江天上落明月鏡中流
眼與鳧俱斷身依影獨留為憐幽興極不見爾來遊
江亭晚眺

日下崦嵫外秋生沆碭間清江無限好白鳥不勝閑
雨過雲收嶺天空月上灣歸鞍侵調角回首六朝山

金山寺

重經高處寺一與白雲親樹木有春意江山如故人
幽軒含氣象偏影落風塵日暮臨歸去徘徊欲損神

揖仙閣

結閣揖仙子疏塘臨隱扉水花紅四出山竹翠相圍
雲度疑軒下鳧驚恐鳥飛蜀韁寧可恃投釣此忘歸
舟夜即事

火炬臨遙岸餘光照客舩水明魚中餌沙暖鷺忘眠
感槩無窮事遲回欲曉天山泉如有意枕上送潺湲
何處難忘酒英雄失志秋廟堂生莽卓巖谷死伊周

賦斂中原因干戈四海愁此時無一盞難遣壯圖休
何處難忘酒君臣會合時深堂拱堯舜密席坐臯夔
和氣襲萬物歡聲連四夷此持無一盞真負鹿鳴詩

送孫子高

蕩漾江南客，融怡席上珍。一罇相別酒，千里獨歸人。
客路貧堪病，交情遠更親。自慙兒女意，失淚滴衣巾。

送董傳

悠悠隴頭水，日夜向西流。行路未云已，歸人空復愁。
文章合用世，顏髮未驚秋。一聽秦聲罷，還來上國遊。

寄深州晁同年

秀色歸荒隴，新聲換毳毛。日催花藥急，雲避鴈行高。
駐馬旌旗暖，傳觴鼓吹豪。班春不知負，短髮爲君搔。

白雲然師

白首一山中，形骸槁木同。苔爭庵徑路，雲補衲穿空。
塵土隨車轍，波濤信棹工。昏昏老南北，應謝此高風。

自白土村入北寺二首

木杪田家出，城陰野逕分。溜渠行碧玉，畦稼卧黃雲。
薄槿胭脂染，深荷水麝焚。夕陽人不見，雞鶩自成群。

二

雨過百泉出，秋聲連衆山。獨尋飛鳥外，時渡亂流間。
坐石偶成歌，看雲相與還。會須營一畝，長此聽潺湲。

題朱郎中白都莊

蕭灑桐廬守，滄洲寄一廛。山光隔釣岸，江氣雜炊煙。
藜杖聽鳴鶻，籃輿看種田。明時須共理，此興在他年。

史教授獨善堂

湖海十年舊，林塘三畝餘。靜非談者隱，貧勝富人居。
列鼎亦何有，幅巾聊自如。猶應不獨善，學子滿階除。

寄福公道人

帝力護禪林，滄洲側布金。樓依水月觀，門接海潮音。
開士但軟語，遊人多苦吟。曾同方丈宿，燈火夜沉沉。
身閑

還家

還家豈不樂，生事未應閑。朝日已復出，征鞍方更攀。
傷心百道水，閱日萬重山。何以忘羈旅，脩然醉夢間。
題湯泉壁示諸子有欲閑之意

吟哦一水上，披寫衆峯間。偶運非彭澤，留名比峴山。
君才今尚稷，家行古原顏。平世雖多士，安能易地閑。

和唐公舍人訪淨因

西城方外士，傳法自南華。高蹈玩一世，旁通兼數家。
來遊仁者淨，傳誅正而葩。乘興何時載，還能託後車。
沂溪懷正之

故人何處所，天角浪漫漫。寂寞斷音驛，徘徊愁肺肝。
世情紛可怪，旅況浩難安。願化東南鵠，高飛託羽翰。
荅許秀才

高陽有才子，負笈求晨鱸。所趣少知者，其辭多慨然。
樵妻竟謝絕，漂母嘗哀憐。尚友古之人，于今猶壯年。

臨川先生文集卷第十五

臨川先生文集卷第十六

詩集卷第十六

答曾文公

昔者文公在東南嶺南築三石室

西州亦不計其數

味鼠公舍人

臨川先生文集卷第十六

律詩五言八句

五言長篇附

次韻景仁雪霽

次韻范景仁二月五日夜風雪

次韻冲卿過睢陽

答冲卿

得書知二弟附陳師道舟上汴

初憇和州

瘡起舍弟尚未已示道原

送杜十八之廣南

崑山慧聚寺次張枯韻

吳江

江

江南

賈生

還自舅家書所感示並原

世事

寄純甫

招丁元珍

遊杭州聖果寺

京兆杜嬰大醇卒以詩二首傷之

江上二首

夏夜舟中頗涼因有所感

孤桐

遲明

陪友人中秋夕賞月

慎縣修路者

河勢

送河間晁寺丞

暮春

遊北山

吳正仲得故人寄蟹以詩謝之余次其韻

陳師道宰烏程縣

冬至

湯泉

讀鎮南邸報癸未四月作

擬和 御製賞花釣魚

和吳沖卿雪霽紫宸朝

和吳沖卿集禧齋祠

送周都官通判湖州

雙廟

張巡許遠

和子瞻同王勝之游蔣山

送鄆州知府宋諫議

見遠亭上王郎中

次韻景仁雪霽

新聲生屋雷殘點着垣衣委翳無多在飄零不更飛
坳中餘宿潤暖處自朝暉稍見青青色還從柳上歸

次韻范景仁二月五日夜風雪

何知此邂逅談笑接清揚對雪知春淺回燈惜夜長
密雲通炫晃殘月墮冥茫故有臨邛客抽毫興未忘

次韻沖卿過睢陽

宮廟此神鄉留親泊楚艗天開今壯麗地積古悲涼
不改山河舊猶餘草木荒還聞足賓客誰是漢鄒陽

荅沖卿

風作九衢黃南窓坐正涼破瓜青玉美浮萍白雲香
詩懶猶能強官閑肯便忘賢愚各有用尺寸果誰長

得書知二弟附陳師道舟上汴

兒童聞太丘邂逅兩心投與汝今為伴知吾不復憂
園桃已解萼沙水欲驚舟一見南飛鴈江邊肯更留

初憩和州

衣足一囊弊粟餘三釜陳猶依食貧地已媿省煩人
塵土病催老風波愁過春詩書今在眼還欲討經綸
瘡起舍弟尚未已示道原

側足呻吟地連甕瘡痍秋窮鄉鑿自絀小市藥難求
肝膽疑俱破筋骸漫獨瘳慙君遠從我契闊每同憂
送杜十八之廣南

東南炎海外尋訪又輸君過嶺猿啼暖貪程馬送曛
清談消瘴癘秀句起煙雲及早來鄉薦朝廷尚右文

崑山慧聚寺次張祐韻

峯嶺互出沒江湖相吐吞園林浮海角臺殿擁山根
百里見漁艇萬家藏水村地偏來客少幽興祗桑門

吳江

莽莽昔登臨秋風一散襟地留孤嶼小天入五湖深
檣橋無千里魚鰕有萬金吾雖輕范蠡終欲此幽尋

江

靈源開闢有羸縮但相隨逆折山能礙奔流海與期
泥沙拆蚌蛤雲雨暗蛟螭欲問深何許馮夷祗自知

江南

江南春起柂秋至尚波濤問舍才能定呼舟已復操
行歌付浩蕩歸夢得蕭騷冉冉欲何補紛紛爲此勞

賈生

漢有洛陽子少年明是非所論多感槩自信肯依違
死者若可作令人誰與歸應須蹈東海不但涕沾衣
還自舅家書所感

行行過舅居歸路指親廬日苦樹無賴天空雲自如
黃焦下澤稻綠碎短樊蔬沮溺非吾意憫嗟聊駐車

世事

世事一何稠論心日已偷尚蒙今士笑宜見古人羞
老圃聊須問良田亦欲求非關畏黻冕無責易身修
塞上無花草飄風急我歸梢林聽澗落卷土看雲飛
想子當紅藥思家上翠微江寒亦未已好好著春衣

寄純甫

招丁元珍

默默不自得紛紛何所爲畫墁聊取食獵較且隨時
秋入江湖暗風生草樹悲黃花一杯酒思與故人持

遊杭州聖果寺

登高見山水身在水中央下視樓臺處空多樹木蒼
浮雲連海氣落日動湖光偶坐吹橫笛殘聲入富陽
京兆杜嬰大醇能讀書其言近莊其爲人
曠達而廉清自託於醫無貴賤請之輒往
卒也以詩二首傷之

蕭瑟野衣中能忘至老貧避囂依市井蒙垢出埃塵
接物工齊物勞身耻爲身傷心宿昔地不復見斯人

二首

叔度醫家子君平卜肆翁蕭條昨日事鬢鬢古人風
舊宅雨生菌新阡寒轉蓬存亡誰一問嗟我亦窮空

江上

潮連風浩蕩沙引客淹留落日更清坐空江無近舟

共看蒹葭宅聊即稻梁謀未敢嗟艱食凶年半九州

二

書自江邊使鄉鄰病餓稠何言萬里客更作百身憂
補敗今誰卹趨生我自羞西南雙病眼落日倚扁舟

夏夜舟中頗涼因有所感

扁身畏朝熱望夜倚桅檣日共火雲退風兼水氣涼
未秋輕病骨微曙浣愁腸堅我江湖意滔滔興不忘

孤桐

天質自森森孤高幾百尋陵霄不屈已得地本虛心
歲老根彌壯陽驕葉更陰明時思解慍願斲五絃琴

遲明

欹枕浩無情遽遽獨遲明霜繁紅樹老雲月素蟾清

倦鵲猶三市寒雞未一鳴故山何處所應有曉猿驚

陪友人中秋夕賞月

海霧看如洗秋陽望却昏光明疑不夜清瑩欲無坤
掃掠風前坐留連露下尊苦吟應到曉況有我思存

慎縣修路者

畚築今三歲康莊始一修何言野人意能助令君憂
勦力非無補論心豈有求十年空志食因汝起予羞

河勢

河勢浩難測禹功傳所聞今觀一川破復以二渠分
國論終將塞民嗟亦已勤無災等難必從衆在吾君

送河間晁寺丞

公孫富文墨名字世多知談笑取高第弦歌當此時

臨河薪石費近塞繭絲移緩急常愁此看君有所爲

暮春

春期行晚晚春意賸芳菲曲水應修禊披香未試衣
雨花紅半墮煙樹碧相依悵望夢中地王孫底不歸

遊北山

攬轡出東城登臨目暫明煙雲藏古意猿鶴弄秋聲
客坐苔紋滑僧眠樾蔭清賞心殊未已山下日西榮

吳正仲謫官得故人寄蟹以詩謝之余次

其韻

越客上荆舠秋風憶把螯故煩分巨跪持用佐清糟
飲量寬滄海詩鋒捷孟勞甘食飽觴詠餘事付釣陶

陳師道宰烏程縣

嘗聞太丘長德不負公卿墟墓今千載昆雲亦一城

本懷深閉蓄餘論略施行故自有仁政能傳家世聲

冬至

都城開博路佳節一陽生喜見兒童色歡傳市井聲
幽閑亦聚集瓊麗各携擎却憶他年事關商閉不行

湯泉

寒泉詩所詠獨此沸如烝一氣無冬夏諸陽自廢興
人游不附火蟲出亦疑冰更憶驪山下歎然雪滿塍

讀鎮南邸報癸未四月作

賜詔寬言路登賢壯陛廉相期正在治素定不煩占
衆喜夔龍盛予虞絳灌儉太平詎可致天意慎猜嫌

擬和

御製賞花釣魚

雲暖蓬萊日風酣太液春水光承步輦花氣入鈎陳
伏檻留清蹕傳觴屬從臣霏香連釣餌落葉亂游鱗
鎬飲恩知厚衢樽賜願均更看追夏諺先此詠逢辰

和吳沖卿雪霽紫宸朝

虎士開閭闔雞人唱九霄雲移銀闕角日轉玉廊腰
箒動川收潦靴鳴海上潮舞袍沾宿潤拜笏擁殘飄
賜飲人何樂歸嘶馬亦驕低徊但忘食吟咏得逍遙

和吳沖卿集禧齋祠

緘封祝辭密占寫御名真帝坐遙臨物星圖俯映人
風含煙外節月點霧中茵沈藿升煙遠槐檀取燎新
羽衣歸寂寞金鉸立逡巡却想來時路還疑隔一塵

送周都官通判湖州

淶水烏程地青山顧渚濱酒醪猶美好茶薺正芳新
聚泛樽前月分班焙上春仁風已入俗樂事始關身
橘柚供南貢楓槐望北宸知君白羽扇歸日未生塵

雙廟

張巡許遠

兩公天下駿無地與騰驤就死得處所至今猶耿光
中原擅兵革昔日幾侯王此獨身如在誰令國不亡
北風吹樹急西日照窻涼志士千年淚冷然落奠觴

和子瞻同王勝之游蔣山

并序

子瞻同王勝之游蔣山有詩余愛其峰多巧障日江
遠欲浮天之句因次其韻

金陵限南北形勢豈其然楚役六千里陳亡三百年
江山空幕府風月自舫船主送悲涼岸妃埋想故蓮

臺傾鳳久去城踞虎爭偏司馬壩廟域獨龍層塔顛
森踈五願木蹇淺一人泉稅杖窮諸嶺監輿罷半天
朱門園淥水碧瓦第青煙墨客真能賦留詩野竹娟

送鄆州知府宋諫議

盛世千齡合宗工四海瞻天心初顓俊雲翼首離潛
德望完圭角儀形壯陞廉徐鳴蒼玉佩盡校碧牙籤
綸掖清光注鑿坡茂渥霑文明誠得主政瘼尚煩砭
右府參機務東塗贊景炎廟謨資石畫兵略倚珠鈿
坐鎮均勞逸齋居養智恬謳謠喧井邑惠化穆蒼黔
進律朝章舊疏恩物議僉通班三殿邃徙部十城兼
申甫周之翰龜蒙魯所詹地靈奎宿照野沃汶河漸
首路龍旗盛提封虎節嚴賜衣纏紫艾衛甲綴朱綬

海谷移文省谿堂燕豆添班春回紺幘問俗卷彤襜
舟楫商巖命熊羆渭水占治裝行入覲金鼎重調鹽

見遠亭上王郎中

高亭豁可望朝暮對谿山野色軒楹外霞光几席間
樹侵蒼靄沒鳥背夕陽還草帶平沙闊烟籠別戍閑
圃畦荷氣合田徑燒痕斑樵笛吟晴塢漁帆出暝灣
登臨及芳節宴喜發朱顏爽砌陳旌旆寒簾進佩環
觀風南國最應宿紫宸班康樂詩名舊燕音詎可攀

臨川先生文集卷第十六

次韻送程給事知越州

次韻酬徐仲元

詩奉送覺之奉使東川

次韻奉酬覺之

送程公闢得謝歸姑蘇

送項判官

次韻張德甫奉議

北山三詠

寶公塔

覺海方丈

道光泉

登寶公塔

重登寶公塔復用前韻二首

紙暖閣

雨花臺

北牕

小姑

榮上人遽欲歸以詩留之

呈陳和叔

招呂望之使君

公闢枉道見過獲聞新詩因叙歎仰

全椒張公有詩在北山西菴僧者墁之悵然

有感

嶺雲

蓼蟲

莫疑

歲晚懷古

先生歲晚事田園魯叟遺書廢討論問訊桑麻憐已
長按行松菊喜猶存農人調笑追尋壑稚子歡呼出
候門遙謝載醪祛惑者吾今欲辯已忘言

段約之園亭

愛公池館得忘機初日留連至落暉菱暖紫鱗跳復
沒柳陰黃鳥嘯還飛徑無凡草唯生竹盤有嘉蔬不
采薇勝事閩州雖或有終非吾土豈如歸

又段氏園亭

歌眠隨水轉東垣一點炊煙映水昏漫漫芙蓉難
路脩脩楊柳獨知門青山呈露新如染白鳥嬉游靜
不煩朱雀航邊今有此可能搖蕩武陵源

回橈

柴荆散策靜涼颺隱几扁舟白下潮紫磨月輪升靄
靄帝青雲幕卷寥寥數家鷄犬如相識一塢山林特
見招尚憶木瓜園最好興殘中路且回橈

酴醿金沙二花合發

相扶照水弄春柔發似矜夸歛似羞碧合晚雲霞上
起紅爭朝日雪邊流我無丹白知如夢人有朱鉉見
即愁疑此冶容詩所忌故將膠木比綢繆

次韻公闢正議書公戲語申之以祝助發

一笑

故人辭祿未忘情語我猶能作扞城身不自遭如貢
薛兒應堪教比韋平老巖豈得長高卧雛鳳仍聞已
間生把盞祝公公莫拒緇衣心爲好賢傾

次韻致遠木人洲二首

迷子山前漲一洲木人圖志失編收年多但有柳生
肘地僻獨無茅蓋頭河側鮑生乾尚立江邊屈子槁
將投未妨他日稱居士能使君疑福可求

二

杙爾何年客此洲飄流誰弃止誰收無心使口肝使
目有幹作身根作頭暴露神靈難寄託禱祠村落幾
依投紛紛翦紙真虛負立槁安知富可求

次韻酬龔深甫二首

恩容楚老護松楸復得一龔從我遊講肄劇談兼祖
謝舞雩高蹈異求由北尋五柞故未愁東挽三楊仍
有樛陟巘降原從此始但無瑤玉與君舟

二

握手東岡雪滿筵後期惆悵老吳蠶芳辰一笑真難
值暮齒相思豈久堪他日杜詩傳渭北幾時周宅對
漳南百年邂逅能多少且可勤來共草菴

次葉致遠韻

生涯聊占水中洲豈即乘桴逐聖丘身與鳧飛仍鴈
集心能茅靡亦波流由來杞梓常先伐誰謂菰蒲可
久留乘興吾廬知未厭故移脩竹擬延騶

一作知君聊占水中

洲去即東浮逐聖丘憂國無時須問舍得坻有興即
乘流由來要路當先據誰謂窮鄉可久留他日五湖

尋范蠡想能
重此駐前騶

次韻酬朱昌叔五首

點也自殊由與求既成春服更何憂拙於人合且天
台靜與道謀非食謀未愛京師傳谷口但知鄉里勝
壺頭嗟予老矣無一事復得此君相與遊

二

去年音問隔淮州百謫難知亦我憂前日杯盤共江
渚一歡相屬豈人謀山蟠直瀆輸淮口水抱長干轉
石頭乘興舟輿無不可春風從此與公遊

三

烏榜登臨興未休共言何許更消憂聯裾蕭寺尋真
覺方駕孫陵弔仲謀語罷每開歡笑口詩來仍掉苦

吟頭已知軒冕真吾累且可追隨馬少游

四

白下門東春水流相看一噓散千憂穿梅入柳曾莫
逆度漸緣岡初不謀世事但如吹劔首官身難即問
刀頭長臨鍛竈真自苦有興復來從我遊

五

樂世閑身豈易求巖居川觀更何憂放懷自事如初
服買宅相招亦本謀名譽子真矜谷口事功新息困
壺頭知君於此皆無累長得追隨壙垠遊

次韻送程給事知越州

千騎東方占上頭如何誤到北山遊清明若覩蘭亭
月暖熱因忘蕙帳秋投老始知歡可惜通宵豫以別

為憂西歸定有詩千首想肯重來賁一丘

次韻酬徐仲元

投老逍遙屺與堂天刑真已脫桁楊緣源靜翳無魚

冷度谷深追有鳥顏每苦交游尋五柳最嫌尸祝擾

庶桑相看不厭唯夫子風味真如顧建康

詩奉送覺之奉使東川

三秋不見每倦倦握手山林復悵然後會敢期黃耆

日相看且度白鷄年畏途石棧王尊馭榮路金門祖

逖鞭一代官儀新藻拂得瞻宸宇想留連

次韻奉酬覺之

久知乘傳入西州雞黍從容本不謀戶外驚塵尺書

至眼中飛浪片帆收山林病骨煩三顧湖海離腸欲

萬周尚有光華賁岑寂篋中佳句得長留

送程公闢得謝歸姑蘇

東歸行路嘆賢哉碧落新除寵上才白傅林塘傳畫

去吳王花鳥入詩來唱酬自有微之在談笑應容逸

少陪少保元絳謝事居姑蘇又王除此兩翁相見外

不知三徑為誰開

送項判官

斷蘆洲渚落楓橋渡口沙長過午潮山鳥自呼泥滑

滑行人相對馬蕭蕭十年長自青衿識千里來非白

壁招握手祝君能強飯華簪常得從雞翹

次韻張德甫奉議

知君非我載醪人終日相隨免汗茵賞盡高山見流

水唱殘白雪值陽春中分香積如來鉢對現毗耶長者身誰拂定林幽處壁與君圖寫繼吾真

北山三詠

寶公塔

道林真骨葬青霄窳堵千秋未寂寥寶勢旁連大江起尊形獨受衆山朝雲泉別寺分三徑香火幽人止一瓢我亦鷲峰同聽法歲時歌嘒豈辭遙

覺海方丈

往來城府住山林諸法翛然但一音不與物違真道廣每隨緣起自禪深舌根已淨誰能壞足迹如空我得尋歲晚北窓聊寄傲蒲萄零落半牀陰

道光泉

釋龍將雨繞山行注遠投深靜有聲雲涌浴槽朝自暖虹垂齋鑊午還晴銅瓶各滿幽人意玉甃因高正士名神力可嗟妨智巧枯槔零落復苔生

登寶公塔

倦童疲馬放松門自把長筇倚石根江月轉空爲白晝嶺雲分暝與黃昏鼠搖岑寂聲隨起鷓矯荒寒影對翻當此不知誰客主道人忘我我忘言

重登寶公塔復用前韻二首

空見方墳涌半霄難將生死問參寥應身東返知何國瑞像西歸自本朝遺寺有門非輦路故池無鉢但僧瓢獨龍下視皆陳迹追數齊梁亦未遙

二

碧玉旋螺恍隔霄冠山仙冢亦寥寥空餘華構延風
月無復靈蹤落市朝帳座追嚴多獻寶供盤隨施有
操瓢他方出沒還如此與物何心作邈遙

紙暖閣

聯屏蓋障一尋方南設鈎簾北置牀側座對敷紅絮
暖仰牕分啓碧紗涼氈廬易以梅丞壞錦幄終於草
野妨楚穀越藤真自稱每糊因得減書囊

雨花臺

盤互長干有絕陁并包佳麗入江亭新霜浦淑綿綿
淨薄晚林巒往往青南上欲窮牛渚怪北尋難忘草
堂靈便輿却走垂楊陌已戴寒雲一兩星

北牕

病與衰期每強扶雞壘桔梗亦時須空花根蒂難尋
摘夢境煙塵費掃除耆域藥囊真安有軒轅經匱或
元無北窓枕上春風暖漫讀毗耶數卷書

小姑

小姑未嫁與蘭支何恨流傳樂府詩初學水仙騎赤
鯉竟尋山鬼從文狸繽紛雲襖空棠楫綽約煙鬟獨
桂旗弄玉有祠終或往飛瓊無夢故難知

榮上人遽欲歸以詩留之

道人傳業自天台千里脩然赴感來梵行毗沙爲外
護法筵靈曜得重開已能爲我迓神足便可隨方長
聖胎肯顧北山如慧約與公西崦斲莓苔

呈陳和叔并序

嘉祐末和叔以集賢校理判登聞鼓院同知太常禮
院皮場街有園數畝中置二椽輓衰丈北戶臨溝略
約通街旁作小屋毀輜車爲蓋某以直集賢院爲三
司度支判官以知制誥糾察在京刑獄同管勾三班
院間度約飯車蓋下隨所有無坐卧輓上笑語常至
夜如此三歲而和叔遭太夫人憂未幾某亦喪親以
去時 永昭陵尚未復土也後與和叔皆蒙
今上拔用數會議語皆憂傷之餘責厚事叢無復故
情元豐元年某食觀使祿居鍾山南和叔經略廣東
道舊悵然某作詩以叙其事

毀車爲屋僅容身三歲相要薄主人晝寓椽輓常至
夜冬泂溝約復尋春南陔不泊公歸里蒼墓垂成我
喪親後會縱多無此樂山林投老一傷神

招呂望之使君

潮溝東路兩牛鳴十畝漪漣一草亭委質山林如許
國寄懷魚鳥欲忘形紛紛易變浮雲白落落誰鍾老
栢青尚有使君同好惡想隨秋水肯揚舲

公闢枉道見過獲聞新詩因叙歎仰

青丘神父能爲政碧落僊翁好作詩舊事齊兒應共
記新篇楚老得先知懷輓大峴如迎日供帳閭門勝
去時若與鴟夷鬪百草錦囊佳麗敵西施

全椒張公有詩在北山西菴僧者漫之悵
然有感

十年悵悵躡山阡終欲持杯滴到泉東路角中非故

約西州華屋漫脩椽幽明未隔休炊黍真俗相妨久
絕弦遺墨每看疑邂逅復隨人事散如煙

嶺雲

嶺雲合處小盤桓人得敷衾馬解鞍寒茱著天榆歷
歷淨華浮海柱團團交游渙散淵明喜吏卒蕭條叔
夜寬方丈老翁無一髮更知來不爲皮冠

蓼蟲

蓼蟲事業無餘習芻狗文章不更陳隱几自憐居喪
我倨堂誰覺似非人難堪藏室稱中士祗合箕山作
外臣尚有少綠灰未死欲持新句惱比隣

莫疑

莫疑禪伯未知禪莫笑仙翁不學仙靈骨肯傳黃蘗
燼真心自放赤松煙蓮華世界何關汝楮葉工夫浪
費年露鶴聲中江月白一燈岑寂擁書眠

臨川先生文集卷第十七

臨川先生文集卷第十八

律詩

七言八句

示俞秀老

外厨遺火示公佐

讀眉山集次韻雪詩五首

讀眉山集愛其雪詩能用韻復次韻一首

八功德水

寄題程公闢物華樓京師山樂去

酬俞秀老

次韻吳冲卿召赴資政殿聽讀詩義感事

張侍郎示東府新居詩因和酬二首

次韻冲卿從駕至集禧觀偶成

次韻陪駕觀燈

和吳相公東府偶成

和蔡樞密孟夏旦日西府書事

和蔡副樞賀平戎慶捷

次韻奉和蔡樞密南京種山藥法

次韻元厚之平戎慶捷

謁曾魯公安其

駕自啓聖還內

集禧觀池上詠野鵝

次韻東廳韓侍郎齋居晚興

酬和甫祥源觀醮罷見寄

和御製賞花釣魚

次楊樂道韻六首

後殿朝次偶題

御溝

幕次憶漢上舊居

後苑詳定書懷

上巳聞苑中樂聲書事

用韻書十日事呈樂道舍人聖從待制

詳定幕次呈聖從樂道

崇政殿詳定幕次偶題

詳定試卷二首

奉酬楊樂道

奉酬聖從待制

次韻吳仲庶省中畫壁

夜讀試卷呈君實待制景仁內翰

荅張奉議

示俞秀老

繚繞山如涌翠波人家一半在煙蘿時豐笑語春聲
早地僻追尋野興多宰堵朱薨開北向招提素脊隱
西阿暮年要與君攜手處處相煩作好歌

外厨遺火示公佐

刁匕初無欲清坵姓人如何竈鬼尚嫌嗔脩脩短褐
方煬一作火井井青煙已被宸邈近焚巢連鳥雀倉
黃濡幕愧比鄰王陽幸有囊衣在報賞焦頭亦未貧
讀眉山集次韻雪詩五首

若木昏昏未有鷓凍雷深閉阿香車搏雲忽散篋為
層翦水如分綴作花擁幕尚憐南北巷持杯能喜兩
三家戲按弄掬輸兒女羔袖龍鍾手獨义

二

神女青腰寶髻鷓獨藏雲氣委飛車夜光往往多聯
璧白小紛紛每散花珠網纏連拘翼座瑤池森漫阿
環家銀為宮闕尋常見豈即諸天守夜义

三

惠施文字黑如鷓於此機緘漫五車嚼若易緇終不
染紛然能幻本無花觀空白足寧知處疑有青腰豈
作家慧可忍寒真覺晚為誰將手少林义

四

寄聲三足阿環鷓問訊青腰小駐車一一照肌寧有
種紛紛迷眼爲誰花爭妍恐落江妃手耐冷疑連月
姊家長恨玉顏春不火畫圖時展爲君義

五

戲搖微縞女鬟鷓試咀流酥已頰車歷亂稍埋冰揉
粟消沉時點水圓花豈能解艤真尋我且與蝸牛獨
卧家欲挑青腰還不敢直湏詩膽付劉義

讀眉山集愛其雪詩能用韻復次韻一首

靚粧嚴飾曜金鷓比興難工漫百車水種所傳清有
骨天機能識皦非花嬋娟一色明千里綽約無心熟
萬家長此賞懷甘獨卧袁安交戟豈須義

八功德水

雪山馬口出琉璃聞說諸天與護持此水遙連八功
德供人真淨四威儀當時迦葉無塵染何事闕鄉有
土思道力起緣非一路但知瓢飲是生疑

寄題程公闢物華樓

吳楚東南最上游江山多在物華樓遙瞻旌節臨尊
俎獨卧柴荆阻獻酬想有新詩傳素壁怪無餘墨到
滄洲渴渥南望重重綠章水還能向此流

試筆題合酬俞秀老

灑掃東庵置一牀於君獨覺故情長有言未必輸摩
詰無法何曾泥飲光天壤此身知共弊江湖他日要
相忘猶貪半偈歸思索却恐提栢妄揣量

次韻吳冲卿召赴資政殿聽讀詩義感事

冲卿詩云雪銷鳩鵲御溝融燕見殊恩綴
上公畫日乍驚三接寵正風獲聽二南終
解頭共仰天顏喜牆面裁容聖域通午漏
漸長知禹錫侍臣何術補堯聰時修撰經
義所初進二南有
旨資政殿讀云

周南麟趾聖人風未有騶虞繫召公雅頌兼陳爲四
始笙歌合奏以三終討論詔使成書上休瀚恩容著
藉通牆面豈能知奧義延陵聽賞自爲聰

張侍郎示東府新居詩因而和酬二首

得賢方慕北山萊赤白中天二府開功謝蕭規慙漢
第恩從隗始詫燕臺曾留上主經過跡更費高人
賦詠才自古落成須善頌掃除東閣望公來

榮觀流傳動草萊中官賜設上尊開鼓歌窳窳聽疑

夢着果聯翩餽有臺斧藻故應宜舊德棟梁非復稱
凡材虛堂欲踵曹參事試問齊人或肯來

次韻冲卿上元從駕至集禧觀偶成

昭陵持橐從遊人更見熙寧第四春寶構中開移玉
座華燈錯出映朱塵輦前時看新歌舞仗外還如舊
徼巡投老逢時追往事却含愁思度天津

次韻陪駕觀燈

繡篔含風下玉除宮商挾奏斐然殊福祥周室流爲
火恩澤堯樽散在衢伏枕但能知廣樂揮毫何以報
明珠願留巾篋歸田日追詠公歡每自娛

和吳相公東府偶成

承華往歲幸躊躇風月清談接緒餘並轡趨朝今已

老連牆得屋喜如初
誅茅我夢江臯地
澆薤公思洛水渠
斂退故應容拙者
先營環堵祭牢蔬

和蔡樞密孟夏日西府書事

宮闕初晴氣象饒
寶車攢轂會東朝
重輪慶自離明發
內壤陰隨解澤消
賜籩外廷紛錦繡
燕庖中禁續薪樵
聯翩入賀知君意
咫尺威顏不隔霄

和蔡副樞賀平戎慶捷

城郭名王據兩陲
軍前一日送降旗
羌兵自此無傳箭
漢甲如今不解纍
幕府上功聯舊代
朝廷稱慶具新儀
周家道泰西戎喙
還見詩人詠串夷

次韻奉和蔡樞密南京種山藥法

蔡詩并序云蒙

見索南都種山藥法并序云蒙上輒成小詩青青正是中分天區種何妨

試玉延即見引須綠夏木定知如躡蕪冬
廷谿傳睡婦必既潤還御水冰霜結蔭近
堯雲雨露偏自裹自題還
自媿揠苗應笑宋人然

區種拋來六七年
春風條蔓想宛延
難追老圃莓苔徑
空對珍盤玳瑁筵
嘉種忽傳河右壤
靈苗更長關西偏
故畦穿斲知何日
南望鍾山一慨然

次韻元厚之平戎慶捷

來詩有何人更得通
天帶謀合君心

只晉公之句

朝廷今日四夷功
先以招懷後殪戎
胡地馬牛歸隴底
漢人煙火起湟中
投戈更講諸儒藝
免胄爭趨上將風
文武佐時慚吉甫
宣王征伐自膚公

謁曾魯公

即赴會時

翊戴三朝冕有蟬
歸榮今作地行仙
且開京闕一作洛

蕭何第未放江湖范蠡船老景已鄰周呂尚慶門方
似漢韋賢一觴豈足爲公壽願賦長虹吸百川

駕自啓聖還內

衣冠原廟漢家儀羽衛親來此一時 天子當懷霜
露感都人亦歎鼓簫悲紛紛瑞氣隨雲漢漠漠榮光
上日旗塵上未驚閶闔閉綠槐空覆影參差

集禧觀池上詠野鵝

池上野鵝無數好晴天鏡裏雪氈毳似憐暄暖鳴相
逐疑戀寬閑去却回京洛塵沙工點汗江湖矰弋飽
驚猜羽毛的的人難近嗟此謀身或有才

次韻東廳韓侍郎齋居晚興

齋禁雖嚴異太常蕭然高卧意何長煙含欲暝宮庭

紫日映新秋省闈黃壯節易摧行踽踽華年相背去
堂堂追攀坐歎風塵隔空聽鈞天夢帝鄉

酬和甫祥源觀醮罷見寄

竊祿祠官久見容每持金石薦宸衷鈞天忽忽清都
夢方丈寥寥弱水風知結勝緣人意外想尋陳迹馬
蹄中新詩起我超然興更感鍾山蕙帳空

和御製賞花釣魚

陰幄晴雲拂曉開傳呼仙仗九天來披香殿上留朱
輦太液池邊送玉杯宿藥暖含風浩蕩戲鱗清映日
徘徊宸章獨與春爭麗恩許賡歌豈易陪

靄靄祥雲輦路晴傳呼萬歲雜春聲蔽虧玉仗宮花

密映燭金溝御水清珠藥受風天下暖錦鱗吹浪日
邊明從容樂飲真榮遇願賦嘉魚頌太平

次楊樂道韻六首

後殿朝次偶題

百年文物士優游萬國今方似綴旒發策東堂招雋
又回輿北苑罷倡優忽隨諸彥登龍尾尚憶當年應
鵠頭獨望清光無補報更慙虛食太官羞

御溝

渺渺金河漲欲平數支分綠報清明常縈輦路漂花
去更引流杯送酒行靜見金輿穿樹影清含玉漏過
牆聲衰顏一照自多感迴首江南春水生

幕次憶漢上舊居

漢水泱泱繞鳳林峴山南路白雲深如何憂國忘家
日尚有求田問舍心直以文章供潤色未應風月負
登臨超然便欲遺榮去却恐元龍會見侵

後苑詳定書懷

文墨由來妙禁中家傳豈獨賦河東平生聽想風聲
早數日追隨笑語同御水新如鴨頭綠宮花更有鶴
翎紅看花弄水聊爲樂不晚朝廷相弱翁

上巳聞苑中樂聲書事

苑中誰得從春遊想見漸臺瓦欲流御水曲隨花影
轉宮雲低繞樂聲留年華未破清明節日暮初回袂
楔舟更覺至尊思慮遠不應全爲拙倡優

用樂道舍人韻書十日事呈樂道舍人

聖從待制

東門人物亂如麻想見新鞦韆照路華
午鼓已傳三刻漏從官初賜一杯茶
忽忽殿下催分首擾擾宮前聽賣花
歸去莫言天上事但知呼客飲流霞

詳定幕次呈聖從樂道

殿閣掄材覆等差從臣今日擅文華
楊雄識字無人敵何遜能詩有世家
舊德醉心如美酒新篇清目勝真茶
一觴一詠相從樂傳說猶堪異日誇

崇政殿詳定幕次偶題

嬌雲漠漠護層軒嫩水濺濺不見源
禁柳萬條金細撚宮花一段錦翻身
閑始更知春樂地廣還同避世喧
不恨玉盤冰未賜清談終日自蠲煩

詳定試卷二首

簾垂咫尺斷經過把卷空聞笑語多
論衆勢難專可否法嚴人更謹
誰何文章直使有無類勲業安能保
不磨疑有高鴻在寥廓未應迴自顧張羅

童子常誇作賦工暮年羞悔有楊雄
當時賜帛倡優等今日論才將相中
細甚客卿因筆墨早於爾雅注魚蟲
漢家故事真當改新詠知君勝弱翁

奉酬楊樂道

邂逅聯裾殿閣春却愁容易即離群
相知不必因相識所得如今過所聞
近代聲名出盧駱前朝筆墨數淵雲
與公家世由來事愧我初無百一分

奉酬聖從待制

班行想望歲空多，知有龍門未敢過。
和近聖人師展季，勇爲君子盜荆軻。
三刃舊協庭闈夢，五袴今傳里巷歌。
復道諫書嘗滿篋，不唯詩句似陰何。

次韻吳仲庶省中畫壁

畫史雖非顧虎頭，還能滿壁寫滄洲。
九衢京洛風沙地，一片江湖草樹秋。
行數儵魚賓共樂，卧看鷗鳥吏方休。
知君定有扁舟意，却爲丹青肯少留。

夜讀試卷呈君實待制景仁內翰

篝燈時見語驚人，更覺揮毫捷有神。
學問比來多可喜，文章非特巧爭新。
蕉中得鹿初疑夢，牖下窺龍稍眩真。
邂逅兩賢時所服，坐令孤朽得相因。

答張奉議

五馬渡江開國處，一牛吼地作菴人。
結蟠茅竹纔方丈，穿築溝園未過旬。
我父欲忘言語道，君今來見句文身。
思量何物堪酬對，捧喝如今摠不親。

臨川先生文集卷第十八

臨川先生文集卷第十八

文良思量... 大梁集... 正武... 本...

臨川先生文集卷第十九

律詩七首

次韻和吳仲庶池州齋山畫圖

次韻祖擇之登紫微閣二首

送沈興宗察院出使湖南

春風

永濟道中寄諸舅弟

道逢交通北使歸

將次相州

次韻平甫喜唐公自契丹歸

尹村道中

次韻王勝之詠雪

次韻酬府推仲通學士雪中見寄

次韻宋次道憶太平早梅

和曾子翊授舒椽之作

送劉和父奉使江西

次韻張子野竹林寺二首

送吳龍圖知江寧

送直講吳殿丞宰鞏縣

送真州吳處厚使君臨西

送李質夫知陝府

題儀真致政孫學士歸來亭圖

次韻吳季野題岳上人澄心亭

送彦珍

寄張先郎中

汜水寄和甫

寄黃吉甫

次韻平甫村墅春日

即席次韻微之泛舟

示長安君

和平甫招道光法師

和祖仁晚過集禧觀

程公闢轉運江西

次韻微之即席

和王微之秋浦望齊山感李太白杜牧之
次韻王微之登高齋

和微之重感南唐事

李君舅弟訪別長蘆至淮陰追寄

貴州虞部使君訪及道舊竊有感惻因成小

詩

冲卿席上得行字

示董伯懿

次韻和吳仲庶池州齊山畫圖

知制誥時作

省中何忽有崔嵬六幅生
綃坐上開指點便知巖石
處登臨新作使君來雅懷
重向丹青得勝勢兼隨翰
墨回更想杜郎詩在眼一
江春雪下離堆

次韻祖擇之登紫微閣二首

漠漠秋陰護掖垣青雲祇
在兩楹間宮樓唱罷雞人

遠門闕朝歸虎士閑華蓋
北瞻天帝座蓬萊東想道
家山却慙久此隨諸彦文
采初無豹一斑

二

掖門相對敞銅鑲轡轡飛
甍在兩閒潤色平生知地
禁登臨此日愧身閑浮雲
倒影移窻隙落木回飈動
屋山忽憶初來秋尚早紫
微花點綠苔斑

送沈興宗察院出使湖南

諫書平日卓囊中朝路爭
看一馬駉漢節飽曾衝海
霧楚帆聊復借湖風皇華
命使今為重直道酬君遠
亦同投老承明無補助得
為湘守即隨公

春風

一馬春風北首燕却疑身
得舊山川陽浮樹外滄江

水塵漲原頭野火煙日借嫩黃初著柳雨催新綠稍
歸田回頭不見辛夷發始覺看花是去年

永濟道中寄諸舅弟

燈火忽忽出館陶回看永濟日初高似聞空舍鳥烏
樂更覺荒陂人馬勞客路光陰真棄置春風邊塞祇
蕭騷辛夷樹下烏塘尾把手何時得汝曹

金山道逢文通北使歸

朱顏使者錦貂裘笑語春風入貝州欲報京都近消
息傳聲車馬少淹留行人盡道還家樂騎士能吹出
塞愁回首此時空慕羨驚塵一段向南流

將次相州

青山如浪入漳州銅雀臺西八九丘螻蟻往還空籠

畝騏驎埋沒幾春秋功名蓋世知誰是氣力迴天到
此休何必地中餘故物魏公諸子分衣裘

留犁撓酒得戎心繡袷通歡歲月深奉使由來須陸

予辭北使而唐公代往

賈離親何必強曾參燕人候望空甌脫胡馬追隨出
蹄林萬里春風歸正好亦逢佳客想揮金

去歲

滿眼霜吹宿草根謾知新歲不逢春却疑青嶂非人
世更覺黃雲是塞塵萬里張侯能奉使百年曾子肯
辭親自憐許國終無用何事紛紛客此身

轉眼

萬戶千門車馬稀行人却返鳥休飛玲瓏翦水空中

墮的樂裝春樹上歸素髮聯華驚老大玉顏爭好羨
輕肥朝來已賀豐年瑞更問田家果是非

次韻酬府推仲通學士雪中見寄

朝來看雪詠君詩想見朱衣在赤墀爲問火城將策
試何如雲屋聽聰知曲牆稍覺吹來密窮巷終憐掃
去遲欲訪故人非興盡自緣無路得傳卮

次韻宋次道憶太平早梅

大梁春費寶刀催不似湖陰有早梅今日盤中看翦
綵當時花下就傳杯紛紛自向江城落杳杳難隨驛
使來知憶舊游還想見西南枝上月徘徊

和曾子翊授舒掾之作

皖城終歲靜如山府掾應從到日閑一水碧羅裁繚

繞萬峯蒼玉刻孱顏舊遊筆墨苔今老浪走塵沙鬢

已斑攬轡羨君橋北路春風枝上鳥關關

送劉和父奉使江西

劉郎今日擁旌麾傳到江南喜可知上冢還須擊羊

豕下車應不問狐狸無人敢效一作勤公榮酒爲我聊

尋逸少池亦見嶺頭花爛熳更將春色寄相思

次韻張子野竹林寺二首

澗水橫斜石路深水源窮處有叢林青鴛幾世開蘭
若黃鶴當年瑞卯金敗壁數峯連粉墨涼煙一穗起
檀沈十年親友半零落回首舊遊成古今

二

京峴城南隱映深兩牛鳴地得禪林風泉隔屋撞哀

玉竹月緣堦貼碎金藻井仰窺塵漠漠青燈對宿夜
沈沈扁舟過客十年事一夢此山愁至今

送吳龍圖知江寧

才高明主睠方深屬郡聞風自革心問里不須多按
治山川從此數登臨茅簷坐隔雲千里栢壟初抽翠
一尋東望泫然知有寄但疑公豈久分襟

送直講吳殿丞宰鞏縣

青嵩碧洛曾遊地墨綬銅章忽在身擁馬尚多畿甸
雪隨衣無復禁城塵古來學問須行已此去風流定
慰人更憶少陵詩上語知君不負鞏梅春

送真州吳處厚使君

上齋船駐彩橈鳴笳應滿綠楊橋久爲漢史知文

法當使淮人服教條拱木延陵瞻故國叢祠瓜步認
前朝登臨莫負山川好終欲東歸聽楚謠

送李質夫之陝府

平世求才漫至公悠悠羈旅士多窮十年見子尚短
褐千里隨人今北風戶外屨貧虛自滿樽中酒賤亦
常空共嫌欲老無機械心事還能與我同

題儀真致政孫學士歸來亭

彭澤陶潛歸去來素風千歲出塵埃明時雋老心無
累故里高門子有才更作園林負城郭常留花月映
池臺却尋五柳先生傳柴水區區但可哀

次韻吳季野題岳上人澄心亭

高亭五月尚寒生回首塵沙自鬱蒸砌水亂流穿石

底檻雲高出蔽山層躋攀欲絕人間世締構知從物
外僧腸胃坐來清似洗神奇未怪佛圖澄

送彥珍

挾筴窮鄉滿鬢絲陂田荒盡豈嘗窺未應谷口終身
隱正合菑川舉國推握手百憂空往事還家一笑即
芳時柘岡定有辛夷發亦見東風使我知

寄張先郎中

留連山水住多時年比馮唐未覺衰篝火尚能書細
字郵筒還肯寄新詩胡牀月下知誰對蠻榼花前想
自隨投老主恩聊欲報每瞻高躅恨歸遲

汜水寄和甫

虎牢關下水逶迤想汝飄然過此時灑血祇添波浪

起脫身難借羽翰追留連厚祿非朝隱垂隔殘年更
土思已卜冶城三畝地寄聲知我有歸期

寄黃吉甫

朱顏去似朔風驚白髮多於野草生挾筴讀書空有
得求田問舍轉無成解鞍烏石岡邊坐攜手辛夷樹
下行今日追思真樂事黃塵深處走雞鳴

次韻平甫村墅春日

昨日青青尚未齊忽看春色滿高低陂梅弄影爭先
舞葉鳥藏身自在啼樵躋踏雲歸舊徑漁叢背雨向
前溪似知我欲逃軒冕談笑相過各有攜

即席次韻微之泛舟

畫舸幽尋北果園應將陳迹問桑門地隨牆墅行多

曲天著罔巒望易昏故國時平空有木荒城人少半
爲村悠悠興廢皆如此賴付乾愁酒一罇

示長安君

少年離別意非輕老去相逢亦愴情草草杯盤供笑
語昏昏燈火話平生自憐湖海三年隔又作塵沙萬
里行欲問後期何日是寄書應見鴈南征

和平甫招道光法師

練師投老演真乘像劫空王爪與肱於摠持門通一
路以光明藏續千燈從容發口酬摩詰邂逅持心契
慧能新句得公還有賴古人詩字耻無僧

和祖仁晚過集禧觀

妍暖聊隨馬首東春衫猶未著方空煙霞送色歸瑤

水山木分香繞闥風壯髮已輸塵外綠衰顏漫到酒
邊紅日斜歸去人間世却記前遊似夢中

程公闢轉運江西

江西一節鑄黃金最慰章濱父老心長孺向來真強
予次公今不異重臨餘風尚有歡誼在陳迹非無勝
事尋豫想新詩能寄我十年華省故情深

次韻微之即席

釀成吳米野油囊却愛清談氣味長閑日有僧來北
阜平時無盜出南塘風亭對竹酬孤峭雪逕尋梅認
暗香江水中濡應未變一杯終欲就君嘗

和王微之秋浦望齊山感李太白杜牧之

齊山置酒菊花開秋浦聞猿江上哀此地流傳空筆

墨昔人埋沒已蒿萊平生志業無高論末世篇章有
逸才尚得使君驅五馬與尋陳迹久徘徊

次韻王微之登高齋

臺殿荒墟辱井堙豪華不復見臨春北山漠漠雲垂
地南埭悠悠水映人馳道蔽虧松半死射場埋沒雉
多馴登高一曲悲亡國想繞紅梁落暗塵

和微之重感南唐事

叔寶傾陳衍弊梁可嗟曾不見興亡齋祠父子終身
費酣詠君臣舉國荒南狩皖山非故地北師淮水失
名王天移四海歸真主誰誘昏童肯用良

李君舅弟訪別長蘆至淮陰追寄

怒水憑風雪壑高亂流追我祇魚舫忽看淮月臨寒

食想映江春聽伯勞道義當成麟一角文章已秃免
千毫後生可畏吾知子南北何時見兩髦

貴州虞部使君訪及道舊竊有感惻因成

小詩

韶山秀拔江清寫氣象還能出楮紳當我垂髫初識
字看君揮翰獨驚人郵籤忽報旌麾入齋閣遙瞻組
綬新握手更誰知往事同時諸彥略成塵

謝川先生冲卿席上得行字

二年相值喜同聲並轡塵沙眼亦明新詔各從天上
得殘樽同向月邊傾已嗟後會歡難必更想前官責
尚輕黽勉敢忘君所勗古人憂樂有違行

示董伯懿

